



CONGREGAZIONE
DELLE CAUSE DEI SANTI

Prot. N. 3101-4/17

MEDIOLANENSIS
Beatificationis et Canonizationis
Servi Dei **Ioannis Theoderici a Puero Iesu et a Passione**
(in saeculo: Ioannis Theoderici Ebogo)
Religiosi professi
Ordinis Carmelitarum Discalceatorum.

In Ordinario Congressu, die 24 mensis Novembris huius anni 2017 celebrato, haec Congregatio de Causis Sanctorum sequens dubium disceptavit, nimirum: "An constet de validitate Inquisitionis Dioecesanae, apud Curiam ecclesiasticam Mediolanensem peractae, super vita et virtutibus necnon fama sanctitatis et signorum Servi Dei Ioannis Theoderici a Puero Iesu et a Passione (in saeculo: Ioannis Theoderici Ebogo), Religiosi professi Ordinis Carmelitarum Discalceatorum: testes sint rite recteque examinati et iura producta legitime compulsata in casu et ad effectum de quo agitur".

Haec Congregatio, attento voto ex officio redacto reque diligenter perpensa, rescripsit: **AFFIRMATIVE**, seu constare de validitate eiusdem Inquisitionis Dioecesanae in casu et ad effectum de quo agitur, sanatis de iure sanandis. Contrariis non obstantibus quibuslibet.

Datum Romae, ex aedibus eiusdem Congregationis, die 24 mensis Novembris A.D. 2017.



Angelus Card. Amato, S.D.B.
Praefectus

+Marcellus Bartolucci
Archiepiscopus tit. Mevanien.
a Secretis